

# STJÓRNARTÍÐINDI A 23 — 1980

17. desember 1980.

335

Nr. 88.

## L Ö G

um breyting á lögum um útflutningsgjald af sjávarafurðum,  
nr. 5 13. febr. 1976.

FORSETI ÍSLANDS

*gjörir kunnugt:* Alþingi hefur fallist á lög þessi og ég staðfest þau með samþykki mínu:

1. gr.

Við lögina bætist nýtt ákvæði til bráðabirgða og orðist svo:

Ákvæði til bráðabirgða.

Áður en útflutningsgjald er lagt á skv. 2. gr. skal draga frá f.o.b.-verðmæti saltsildar framleiddrar á síldarvertíð 1980 kr. 15.600 fyrir hver 100 kg innihalds vegna umbúðakostnaðar og kostnaðar við sérstök hjálparefni.

Útflutningsgjald skal ekki innheimt af ediksöltuðum síldarflökum eða söltuðum síldarflökum sem verkuð eru á svipaðan hátt, framleiddum á síldarvertíð 1980, til sölu í löndum Efnahagsbandalags Evrópu.

2. gr.

Lög þessi öðlast þegar gildi.

*Gjört í Reykjavík 17. desember 1980.*

Vigdís Finnbogadóttir.

(L. S.)

*Steingrímur Hermannsson.*

24. desember 1980.

Nr. 89.

## L Ö G

um heimildir til lántöku á árunum 1980 og 1981 og ábyrgðarheimildir.

FORSETI ÍSLANDS

*gjörir kunnugt:* Alþingi hefur fallist á lög þessi og ég staðfest þau með samþykki mínu:

1. gr.

Fjármálaráðherra er heimilt fyrir hönd ríkissjóðs að taka lán á árinu 1980 allt að 4 750 m.kr. eða jafnvirði þeirrar upphæðar í erlendri mynt miðað við gengi 1. ágúst 1980.